

CAIBIDIL 3

AGHAIDH A THABHAIRT AR
IOMPRAÍOCHT NEAMHFHREAGRACH
A MHÉID IS A BHAINNEANN SÉ LEIS AN
DLÍ CUIDEACHTAÍ



STRUCHTÚR NA CAIBIDLE SEO

Tá an Chaibidil seo struchtúrtha ar bhealach ina ndéantar, sna chéad trí Chuid eile, ionchuir, tréchuir agus aschuir na hOifige a mhionsonrú.

CUID A: IONCHUIR

IONCHUIR SHEACHTRACHA

Cuirtear gníomhaíochtaí na hOifige maidir le haghaidh a thabhairt ar iompraíocht mhídhleathach agus neamhfheagrach chun cinn go méid substaintiúil, go díreach agus go hindíreach, le hionchuir a fhaightear ó fhoinsí seachtracha. Is é sin feidhm toisc:

- go bhfuil oibleagáidí tuairiscithe reachtúla don Oifig ag líon páirtithe, lena n-áirítear leachtaitheoirí, iniúcháirí, scrúdaitheoirí agus comhlachtaí gairmiúla áirithe;
- go bhfuil an Oifig ina cuid de chreat reachtúil níos leithne a dhéanann soláthar do tarchuir faisnéise, atá rúnda seachas sin, idir comhlachtaí rialála agus forfheidhmiúcháin sa chás go meastar go bhfuil faisnéis den sórt sin ábhartha d'fheidhmeanna na n-eintiteas eile sin; agus
- go bhfaigheann an Oifig líon suntasach gearán ó bhaill den phobal gach bliain.

Sa chomhthéacs sin, is iad seo a leanas na príomh-ionchuir a fuarthas ó fhoinsí seachtracha le linn na bliana:

Tábla 5 Ionchuir ó fhoinsí seachtracha

		2015	%		2014	%
<i>Tuairiscí reachtúla</i>						
Tuairiscí (tosaigh) ó leachtaitheoirí (a682)	875			973		
Tuairiscí (iardain) ó leachtaitheoirí (a682)	394			539		
Iomlán tuairiscí ó leachtaitheoirí (a682)		1,269	74.2		1,512	79.0
Tuairiscí ó leachtaitheoirí ar coiriúileacht féideartha (a723)		2	0.1		0	0
Tuairiscí indíotáilte ó iniúcháirí (a393)		100	5.9		121	6.3
Tuairiscí ó scrúdaitheoirí (a534)		3	0.2		n/a ²²	n/a
Tuairiscí indíotáilte ó Chomhlachais Ghairmiúla (a931)		4	0.3		2	0.1
<i>Tarchuir</i>						
Tarchuir ó pháirtithe seachtracha		40	2.3		43	2.2
<i>Gearáin</i>						
Gearáin ó bhaill den phobal		290	17.0		236	12.4
Líon iomlán ionchuir ó fhoinsí seachtracha		1,708	100		1,914	100

22 Tháinig an fhoráil reachtúil i bhfeidhm i rith 2015 le cuireadh tús leis an Acht na gCuideachtaí 2014

Tá tuilleadh eolais tugtha thíos ar na príomh-ionchuir sheachtracha a bhrúigh ar aghaidh gníomhaíochtaí na hOifige le linn na bliana.

TUAIRISCÍ ALT 682 LEACHTAITHEOIRÍ

Réamhrá – forbheathnú ar chóras tuairiscithe leachtaitheoirí

Mar a fheictear ó Thábla 5 thuas, ba ionann tuairiscí alt 682 leachtaitheoirí agus os cionn 74% go díreach de na hionchuir sheachtracha ar fad a fuair an Oifig le linn 2015 (2014: 79%). Go hachomair, ceanglaítear ar leachtaitheoirí cuideachtaí atá faoi leachtú dócmhainneach ²³ leis an dlí²⁴ tuairisc a chur ar fáil don Oifig maidir leis na cúinsí lenar theip ar an gcuideachta agus ar iompar duine ar bith a bhí ina stiúrthóir ar an gcuideachta le linn an dá mhí dhéag sula ndeachaigh an chuideachta faoi leachtú. Ní mór don leachtaitheoir dul ar aghaidh agus iarratas a dhéanamh leis an Ard-Chúirt ar shrianadh²⁵ gach duine de na stiúrthóirí, mura dtugann an Oifig faoiseamh dóibh ón oibleagáid sin²⁶.

Is iad seo a leanas aidhmeanna bunúsacha an chórais tuairiscithe reactúil:

- méid áirithe cosanta a chur ar fáil don phobal trína chinntiú nach mbeidh daoine faoinar chinn an Ard-Chúirt nár fheidhmigh siad go hionraic agus/nó go freagrach an tréimhse díreach sula ndeachaigh an chuideachta faoi leachtú, maidir leis an tréimhse éigeantach cúig bliana um shrianadh, ábalta gníomhú ach mar stiúrthóirí ar chuideachtaí eile a chomhlíonann íoscheanglais um chaipitliú; agus
- a chinntiú gur féidir le daoine a measadh gur fheidhmigh siad, sa tréimhse díreach sula ndeachaigh an chuideachta faoi leachtú, go hionraic agus go freagrach leanúint le bheith páirteach i ngníomhaíocht fiontraíochta trí chuideachtaí faoi dlhiteanas teoranta gan smachtbhanna nó pionós.

Agus a ról á chomhlíonadh aici maidir leis sin, bíonn an Oifig ag súil le leachtaitheoir an fhaisnéis ar fad atá ábhartha le cinneadh iomchuí a dhéanamh a chur ar fáil di. Spreagann sé leachtaitheoir chomh maith chun moltaí bunaithe ar fhianaise a dhéanamh maidir le faoiseamh/gan aon fhaoiseamh faoi threoir thorthaí a n-imscrúduithe.

Breithníonn an Oifig ar fhaoiseamh a thabhairt sa chás go gcuireann leachtaitheoir bonn cirt bunaithe ar fhianaise ar aghaidh le tacú le héileamh gur fheidhmigh stiúrthóir go hionraic agus go freagrach agus gnóthaí na cuideachta á ndéanamh aige nó aici. Agus a cinntí á ndéanamh aice, is mian leis an Oifig a chinntiú nach gcaithfidh stiúrthóir dul faoi ualach éisteacht na hArd-Chúirte gan ghá sa chás go bhfuil iompraíocht ionraice agus fhreagrach léirithe go soiléir aige nó aice agus gnóthaí an fhiontair ar theip air á ndéanamh aige nó aici. I ngníomh, feidhmíonn an Oifig mar scagaire chun réidh a fháil leis an ngá le breithniú na hArd-Chúirte ar na cásanna sin a ndealraítear fúthu nach dteastaíonn a haird.

Tá sé tábhachtach a shonrú áfach, nach hionann cinntí OSFC maidir le 'gan aon fhaoiseamh' nó 'faoiseamh páirteach' agus go bhfuarthas mí-ionracas nó neamhfreagracht i dtaca leis na stiúrthóirí lena mbaineann, agus bheadh sé iomchuí tátal nó líomhain dá leithéid a bhaint astu. Is cúrsa don Ard-Chúirt amháin é (i ndiaidh aighneachtaí an leachtaitheora agus an stiúrthóra (na stiúrthóirí) faoi seach a éisteacht) a chinneadh ar cheart nó nár cheart Dearbhú um Shrianadh a dhéanamh maidir le stiúrthóir cuideachta áirithe ar bith.

Gealltanais maidir le Srianadh agus Dícháiliú

Tugadh creat reactúil isteach leis an Acht²⁷ den chéad uair, faoinar féidir le daoine aonair, a d'fhéadfadh a bheith orthu dul os comhair imeachtaí Cúirte ina áit sin, dul chun na Cúirte a sheachaint trí aontú go deonach le srianadh nó dícháiliú de réir mar is infheidhme (i.e., trí Gealltanais dlíthiúil chuige sin a chur ar fáil). I Márta, 2015, d'fhoilsigh OSFC Páipéar Comhairliúcháin ina leagadh amach a beartas agus a nósanna imeachta beartaithe maidir leis seo. Agus na freagairtí a fuarthas curtha san áireamh, sholáthair OSFC comhairle don Aire ar fhormaid agus ábhar iomchuí na nGealltanais. An 29 Bealtaine, 2015, shínigh an tAire Ionstraim Reactúil²⁸ inar bhforordaíodh foirm na nGealltanais.

Go hachomair, cuirtear rogha ar fáil san Acht do OSFC cibé acu Gealltanais a thairiscint nó gan Gealltanais a thairiscint. Sa chás go ndéanann OSFC tairiscint, ní mór í a dhéanamh san bhfoirm fhorordaithe, an leagan amach agus an t-ábhar atá ordaithe leis an Ionstraim Reactúil (agus "Fógra" tugtha ar dhoiciméad na tairisceana). Ní mór breac-chuntas a leagan amach, inter alia, san Fhógra, maidir leis na cúinsí, na fíricí agus na líomhaintí lena mbunaítear na forais le haghaidh srianadh nó dícháiliú mar aon le sonraí faoi na héifeachtaí dlíthiúla a bhaineann le Gealltanais don duine a sholáthraíonn é.

23 Bíonn cuideachta dócmhainneach nuair nach bhfuil sí ábalta a fhiacha a íoc nuair atá siad dlite

24 Alt 682 d Acht na gCuideachtaí 2014

25 Sa chás go bhfuil srian ar dhuine aonair faoi alt 819 d Acht na gCuideachtaí 2014, ní fhéadfaidh léi/leis gníomhú ach mar stiúrthóir nó rúnaí cuideachta ar feadh tréimhse cúig bliana ina dhiaidh sin ar an gcoinníoll go gcomhlíonann an chuideachta lena mbaineann íoscheanglais áirithe um chaipitliú. I gcás cuideachta poiblí tteoranta teastaíonn scairchaipiteal glaoite fosta €500,000. I gcás cuideachta ar bith eile, is é €100,000 an figiúr comhfhreagrach.

26 Tá próiseas agus raon feidhme tuairiscithe leachtaitheoirí léirithe sna trí príomhfhoilseachán OSFC, Fógra Cinnidh D/2002/3 arna fhorlíonadh le Fógra Cinnidh D/2003/1 agus Fógra Eolais I/2009/1. Tá na doiciméid sin ar fáil ag www.osfc.ie

27 Ailt 854 go 849 d Acht na gCuideachtaí 2014

28 Rialachán 2015 (Na Gealltanais um Dhícháiliú agus um Shrianadh) Acht na gCuideachtaí 2014 (I.R. Uimh. 222 de 2015)

Níl oibleagáid ar bith ar fhaighteoir Fógra an tairiscint a ghlacadh (i.e., an Gealltanais a chur ar fáil). Mar sin féin, sa chás go bhfuil sé beartaithe ag an bhfaighteoir an tairiscint a ghlacadh, caithfidh siad é sin a dhéanamh laistigh de 21 lá (nó laistigh de cibé tréimhse níos faide a cheadódh OSFC). Le linn na tréimhse tairisceana sin, ní fhéadfaidh OSFC nó duine ar bith eile atá ar an eolas faoi eisiúint an Fhógra imeachtaí a thionscnamh maidir le srianadh agus dícháiliú fhaighteoir an Fhógra de bhun na gcúinsí, na bhfíricí agus na líomhaintí arna leagan amach san Fhógra.

Sa chás go gcinneann faighteoir Fógra an tairiscint a ghlacadh agus Foirm um Ghlacadh Gealltanais sínithe go cuí a chur ar ais, beidh siad faoi réir Dearbhú/Ordú um Shrianadh nó um Dhícháiliú ar an mbonn céanna is dá mba rud é gur fhorchuir an Ard-Chúirt srianadh nó dícháiliú. Dá bhrí sin, beidh sárú ar bith ina dhiaidh sin ar théarmaí an srianta nó an dícháilithe ina chion coiriúil agus beidh sé mar an gcéanna le sárú ar shrianadh nó ar dhícháiliú arna bhforchur ag an gCúirt.

In ainneoin go bhféadfaidh sé gur sholáthair stiúrthóirí cuideachta nó daoine eile Gealltanais go deonach, féadfaidh siad fós, mar sin féin, iarratas a dhéanamh leis an gCúirt - ag am ar bith le linn thréimhse an srianta nó an dícháilithe - ag lorg faoiseamh a fháil, go hiomlán nó i bpáirt, ó théarmaí an srianta nó an dícháilithe, de réir mar is infheidhme. Cé go mbreithneoidh OSFC iarratais ar bith den sórt sin de réir cáis i gcomhthéacs na bhfíricí agus na gcúinsí faoi leith, ag féachaint don ghá seasamh le sláine an phróiseas, tá sé tuartha go rachaidh OSFC, i bhformhór na gcásanna, i gcoinne iarratas dá leithéid.

Agus tagairt á déanamh do dhícháiliú, déantar foráil sa reachtaíocht gurb é cúig bliana an uastréimhse don dícháiliú is féidir le OSFC a thairiscint trí Ghealltanais. Dá bhrí sin, i gcúinsí ina bhfuil sé de thuairim OSFC go bhfuil gá le tréimhse dhícháiliúcháin níos mó ná cúig bliana (cinneadh a dhéantar faoi threoir fhíricí agus chúinsí faoi leith gach cáis agus dlí-eolaíochta ábhartha ar bith), ní dhéanfar tairiscint. Seachas sin, pléifear leis an gcúrsa trí iarratas a dhéanamh leis an Ard-Chúirt.

Cuideachtaí ag dul faoi leachtú

Cé go bhfuil sé ar leibhéal laghdaithe, lean mainneachtain cuideachtaí ar leibhéal measartha ard le linn 2015. Faoi mar a fheictear ón Tábla thíos:

- le linn na bliana, ba ionann an leachtú (i.e. leachtú creidiúnaithe agus leachtú Cúirte le chéile) agus 44% den leachtú go léir (2014: 50%);
- i ndiaidh na tréimhse dhá bhliain 2011-12, inar sháraigh an leachtú dócmhainneach 1,300 gach bliain, ba í an bhliain 2015 an tríú bliain as a chéile ina raibh laghdú ar an líon - ó os cionn 1,100 in 2013 go dtí os cionn 800 go díreach in 2015; agus
- tháinig laghdú 3% ar an leachtú dócmhainneach (i.e., comhaltaí) le linn 2015 (2014: méadú 18%), ó 1,001 go 1,034.

Tábla 6 Cuideachtaí ag dul faoi leachtú: 2011 - 2015

	2011	2012	2013	2014	2015
Leachtuithe creidiúnaithe	1,311	1,210	1,043	929	746
Leachtuithe Cúirte	99	107	76	78	70
<i>Iomlán leachtuithe dócmhannacha</i>	<i>1,410</i>	<i>1,317</i>	<i>1,119</i>	<i>1,007</i>	<i>816</i>
Leachtuithe Ball	1,054	919	848	1,001	1,034
<i>Iomlán leachtuithe sócmhannacha²⁹</i>	<i>1,054</i>	<i>919</i>	<i>848</i>	<i>1,001</i>	<i>1,034</i>
Leachtuithe iomlán	2,464	2,236	1,967	2,008	1,850

²⁹ Cé nach bhfuil ról ar bith ag an Oifig maidir le leachtuithe sócmhainneach (is é sin leachtuithe ball), áirítear sonraí díobh ar mhaithe comhláine.

Tuarascálacha alt 682 leachtaitheoirí a fuarthas – 2015

Faoi mar a fheictear ó Thábla 5 thuas, fuarthas 1,269 tuarascáil alt 682 leachtaitheoirí san iomlán le linn na bliana (2014: 1,512), dá raibh:

- 875 díobh ina dtuarascálacha tosaigh³⁰ (2014: 973); agus
- 394 díobh ina dtuarascálacha ina dhiaidh sin³⁰ (2014: 539).

Tá fáilte roimh an laghdú 19% ar an líon de leachtú dócmhainneach i gcomparáid le 2014. Bunaithe ar chomharthaí reatha, tá laghdú eile, thart ar 17%, tuartha thar an mbliain 2016.

Cuirtear sonraí ar fáil sa Tábla thíos maidir le leithdháileadh earnála na gcuideachtaí i dtaca le tuarascálacha tosaigh na leachtaitheoirí a fuarthas le linn na bliana.

Tábla 7 Anailís earnálach ar thuiriscí tosaigh alt 682 na leachtaitheoirí a fuarthas - 2015

Earnáil	2015		2014	
		%		%
Foirgníocht ³¹	208	24	167	17
Mórdhíol & miondíol	181	20	222	23
Óstáin, barrana & lónadóireacht	104	12	105	11
Gnóthas pobail, sóisialta & eile	103	12	93	10
Déantúsaíocht & priontáil	93	11	121	12
Margaíodh & bolscaireacht	57	6	80	8
Teicnólaíocht & teileachumarsáid	36	4	34	4
Iompar & daiilúcháin	29	3	47	5
Airgeadais & léasú	24	3	20	2
Éastát réadach & ligean ar cíós	24	3	60	6
Talmhaíocht, mianadóireacht & saothrú mara	9	1	11	1
Earcaíocht & seirbhísí slándála	7	1	13	1
Iomlán	875	100	973	100

Tráthúlacht thuirisciú na leachtaitheoirí

Thar an mbliain, d'eisigh an Oifig 124 (2014: 277) fógra chuig 64 (2014: 124) leachtaitheoir ar leith inar tugadh comhairle dóibh go raibh siad i mainneachtain a n-oibleagáidí tuairiscithe reachtúla. Tagann an laghdú i líon na bhfógraí le linn 2015 le roinnt ceisteanna a tháinig chun cinn mar thoradh ar aistriú an Achta úir le héifeacht ón 1 Meitheamh, 2015. Go sonrach, bhí roinnt ceisteanna trasnáisiúnta ann maidir le foirm úr um thuiriscí leachtaitheoirí lenar cuireadh srian ar chumas na hOifige fógraí a eisiúint chuig na leachtaitheoirí a bhí mall ag cur isteach a gcuid tuairiscí. Bhí na ceisteanna sin réitithe ag deireadh na bliana.

Rinneadh formhór na mainneachtana a cheartú go pras mar thoradh ar an ngníomhaíocht sin agus, mar thoradh air sin, bhí 96% de na tuairiscí a bhí dlite le linn na bliana faighte faoi dheireadh na bliana (2014: 96%). Mar sin féin, tugadh faoi deara

30 Is éard is tuarascáil tosaigh ann an chéad tuarascáil a fhaightear ó leachtaitheoir agus ní mór í a chur isteach laistigh de 6 mhí dá cheapachin/ceapachán. I bhformhór na gcásanna, bíonn an cinneadh cibé acu faoiseamh a thabhairt nó gan faoiseamh a thabhairt bunaithe ar an tuarascáil seo. Mar sin féin, i roinnt cásanna teastaíonn tuarascáil ina dhiaidh sin a fháil ón leachtaitheoir nuair a bhíonn a imscrúduithe/himscrúduithe curtha ar aghaidh níos faide. Sa chás go gceaptar go bhfuil gá le tuarascáil ina dhiaidh sin, tugtar 24 faoiseamh an tráth seo maidir leis an tuarascáil tosaigh de ghnáth.

31 Áiríonn an figiúr le haghaidh Foirgníocht líon mór cuideachtaí ceangailte le líon beag grúpaí móra.

gur theip ar líon beag leachtaitheoirí cloí lena n-oibleagáidí tuairiscithe arís agus arís eile. Ainmníodh cásanna dá leithéid mar réimse faoi leith fócais don Oifig agus d'fhéadfadh gníomhaíocht forfheidhmiúcháin chuí, suas go dtí cúiseamh coiriúil agus é sin san áireamh, a bheith mar thoradh ar shárúithe leanúnacha mar sin ar oibleagáidí reachtúla.

Caighdeán um thuairisciú na leachtaitheoirí

Measadh go raibh caighdeán thuarascálacha na leachtaitheoirí a fuarthas le linn na bliana an-sásúil ar fad. Mar sin féin, ní raibh cáilíocht an tuairiscithe i gcásanna áirithe den chaighdeán a theastaigh. D'fhéadfadh easpa choibhneasta na taithí ar thaobh leachtaitheoirí áirithe a bheith ar na fachtóirí a chuir leis sin. Sa chomhthéacs sin, soláthraítear anailís i dTábla 8 thíos ar phróifíl na leachtaitheoirí a thug faoi rannpháirtíocht dócmhainneachta thar an tréimhse 2010 go 2015. Faoi mar a fheictear ón Tábla, thug 160 leachtaitheoir faoi níos lú ná trí leachtú in 2015 agus thug 42 leachtaitheoirí faoi seacht leachtú nó níos mó. Bheadh formhór na leachtaitheoirí sin ina gcomhaltaí de Chomhlachtaí Cuntasóireachta Forordaithe.

Bhí gá le hardleibhéal rannpháirtíochta do na ceisteanna thuasluaite leis na leachtaitheoirí ábhartha chun ceanglais na hOifige a shainiú agus gnéithe de na tuarascálacha a cuireadh isteach a shoiléiriú. I gcásanna faoi leith, measadh go raibh gá lena iarraidh ar leachtaitheoirí aonair freastal ar an Oifig chun a dtuairiscí a phlé agus chun athbhreithniú a dhéanamh, inter alia, ar an mbonn leis na conclúidí a bhí leagtha amach iontu.

Tábla 8 Próifíl na leachtaitheoirí a thug aghaidh ar leachtuithe dócmhainneachta de réir líon na ngníomhaíochtaí 2010 – 2015

Líon leachtaitheoirí	Líon gníomhuithe				
	<3	3-6	7-12	>12	Iomlán
2010	169	48	33	26	276
2011	182	57	30	27	296
2012	187	63	37	22	309
2013	203	46	16	21	286
2014	177	39	19	17	252
2015	160	63	19	23	265

Cáilíocht le haghaidh ceapadh mar leachtaitheoir nó scrúdaitheoir

Tá alt 633 den Acht, lenar tugadh isteach rialacha úra le haghaidh cáilíocht le ghníomhú mar leachtaitheoir, ábhartha i gcomhthéacs an mhéid thuas chomh maith. Sainítear san Acht cúig chatagóir daoine aonair atá i dteideal gníomhú mar leachtaitheoir. Is iad sin:

- i. comhaltaí Comhlacht Cuntasóireachta Forordaithe a bhfuil deimhniú cleachtais aige nó aici;
- ii. aturnaetha a bhfuil deimhniú cleachtais acu;
- iii. comhaltaí comhlachtaí gairmiúla ar bith eile atá aitheanta chun na críche sin ag an ÚMICÉ (ceann ar bith faoi láthair);
- iv. daoine atá cáilithe le gníomhú mar leachtaitheoir i stát LEE³² eile; agus
- v. daoine a bhfuil taithí phraiticiúil acu ar fhoirceannadh agus eolas acu ar an dlí ábhartha roimh thosach feidhme an Achta atá údaraithe ag an ÚMICÉ. Roimh údarú den chineál sin a thabhairt, caithfidh an ÚMICÉ a bheith sásta, agus iad téite i gcomhairle le OSFC, gur duine oiriúnach agus cuí é an duine le gníomhú mar leachtaitheoir.

Féadfaidh duine a rinne iarratas leis an ÚMICÉ ar údarú faoi (v) thuas leanúint ag gníomhú ag feitheamh chinneadh a n-iarratais. Amhail deireadh 2015, chuir an ÚMICÉ ainmneacha na 19 daoine aonair a rinne iarratas ar údarú faoin bhforáil seo in iúl do OSFC. Tá sé tuigte go bhfuil na hiarratais sin á mbreithniú ag an ÚMICÉ faoi láthair.

Chomh maith leis na ceanglais um cháilíocht atá forordaithe in alt 633, déantar foráil in alt 634 go gcaithfidh gach leachtaitheoir árachas slánaíochta gairmiúla ("ASG") imleor a bheith i bhfeidhm acu. D'eisigh an ÚMICÉ Rialacháin le déanaí ina bhforordaítear an leibhéal riachtanach ASG a theastaíonn agus tá na Rialacháin sin ar fáil ar shuíomh gréasáin an ÚMICÉ ³³.

32 An Limistéar Eorpach Eacnamaíoch

33 <http://iaasa.ie/getmedia/1a9c9ab1-994e-4491-8f6c-6d8a40d27f64/S-I-No-127-of-2016.pdf>

Déantar foráil i bhforáil ghaolmhar, alt 519 den Acht, nach féidir le duine gníomhú mar scrúdaitheoir ach amháin má tá siad cáilithe le gníomhú mar leachtaitheoir.

DÁILEADH EARNÁLA IONCHUR SEACHTRACH EILE (I.E. IONCHUIR SHEACHTRACHA SEACHAS TUAIRISCÍ ALT 682 LEACHTAITHEOIRÍ)

Mar a fheictear ón Tábla, i gcomhiomlán ba ionann na hionchuir sheachtracha sin seachas tuairiscí alt 682 leachtaitheoirí agus os cionn 25% (2014: 21%) de na hionchuir sheachtracha a fuarthas le linn na bliana. Sa Tábla thíos soláthraítear anailís ar dháileadh earnála na n-ionchur seachtrach eile sin.

Tábla 9 Leithdháileadh earnálach ionchur seachtrach cé is moite de thuairiscí 682 na leachtaitheoirí

Earnáil	2015		2014	
		%		%
Éastát réadach & ligean ar cíós	71	16	112	28
Foirgníocht	39	9	37	9
Mórdhíol & miondíol	39	9	35	9
Sláinte & obair shóisialta	33	7	12	3
Airgeadais & léasú	30	7	17	4
Déantúsaíocht & priontáil	21	4	32	8
Iompar & dailiúcháin	18	4	11	3
Óstáin, barrana & lónadóireacht	17	4	19	5
Teicnolaíocht & teileachumarsáid	17	4	3	1
Margaíodh & bolscaireacht	14	3	5	1
Gnóthas pobail, sóisialta & pearsanta	12	3	32	8
Talmhaíocht, mianadóireacht & saothrú mara	11	3	11	3
Earnáil ghnó eile	5	1	3	1
Earcaíocht & seirbhísí slándála	4	1	2	0
Nach cuideachta ann	108	25	71	17
Iomlán	439	100	402	100

GEARÁIN

Faigheann an Oifig líonta suntasacha gearán ó bhaill den phobal gach bliain. Le linn na bliana fuarthas 290 gearán ar an iomlán (2014: 236), arbh ionann é sin agus 17% (2014: 12%) de na hionchuir sheachtracha ar fad a fuarthas. Sa Tábla thíos soláthraítear anailís ar ábhar na ngearán a fuarthas

Tábla 10 Gearáin a fuarthas (anailísithe de réir thréith na mainneachtana príomha)

	2015	%	2014	%
Iompar stiúrthóra	75	26	22	9
Bainteach le iniúchadh/iniúcháir	38	13	28	12
Bainteach le Cruinnithe Cinn Bhliana Ginearálta/Urghnácha	34	12	24	10
Líomhaintí brionnú/faisnéis bhréige a thabhairt	24	8	7	3
Taifid chuntasáochta míchuí	20	7	8	3
Líomhaintí trádáil mheargánta/chalaoiseach/dhócmhainneach	20	7	65	28
Bainteach le fiachas gan íoc	18	6	27	12
Clár na gcomhaltaí	13	4	4	2
Seoladh Cláraithe	11	4	0	0
Rochtain ar thaifid chuntasáochta / miontuairiscí cruinnithe	9	3	3	1
Bainteach le trádáil le linn bheith bainte den Chlár	8	3	10	4
Eisteanna ginearálta cearta scairshealbhóirí	8	3	19	8
Eile	12	4	19	8
Iomlán	290	100	236	100

TUAIRISCÍ FAOI CIONTA INDÍOTÁILTE Ó INIÚCHÓIRÍ

Réamhrá - forbhreathnú ar chóras tuairiscithe iniúcháirí

Déantar foráil in alt 393(1) den Acht, sa chás, agus iniúchadh á dhéanamh acu agus de bhun iniúchadh a bheith á dhéanamh acu, go bhfaigheann iniúcháirí cuideachta faisnéis óna dtagann siad ar an tuairim go bhfuil forais réasúnta ann lena chreidiúint go ndearna an chuideachta, nó oifigeach nó gníomhaí de chuid na cuideachta, cion indíotáilte faoin Acht, go bhfuil ceangal ar na hiniúcháirí an tuairim sin a thuairisciú don Oifig. Rinne an Oifig treoir a fhorbairt agus a fhoilsiú chun cuidiú le hiniúcháirí cloí lena n-oibleagáidí maidir leis sin³⁴.

Cineál na gcionta amhrasta a tuairiscíodh

Le linn na bliana, fuarthas 100 tuarascáil um chionta indíotáilte ar an iomlán ó iniúcháirí (2014: 121). Sa Tábla thíos soláthraítear anailís ar chineál na gcionta amhrasta a cuireadh in iúl sna tuarascálacha sin. Ba cheart a shonrú nach dtagann líon na dtuarascálacha a fuarthas le líon na gcionta amhrasta a tuairiscíodh toisc go raibh tagairt déanta do níos mó ná cion amhrasta amháin sna tuarascálacha i roinnt cásanna.

34 Fógra Cinnidh D/2006/2 Treoir Leasaithe maidir le Dualgas Iniúcháirí Cionta Indíotáilte Amhrasacha a Thuairisciú don Stiúrthóir um Fhorfheidhmiú Corparáideach. Rinneadh é sin a fhortíonadh le déanaí le Fógra Eolaís I/2009/4 - Cionta an Dlí Cuideachtaí a Thuairisciú: Faisnéis d'Iniúcháirí

TUAIRISCÍ NA SCRÚDAITHEOIRÍ

De bhun alt 534(6) den Acht, sa chás go gceaptar scrúdaitheoir ar chuideachta, soláthróidh sé/sí, a luaithe is féidir i ndiaidh é a ullmhú, cóip dá t(h)uairisc do OSFC. I ndiaidh thosach feidhme an Achta an 1 Meitheamh, 2015, fuair an Oifig 3 thuarascáil ó scrúdaitheoirí.

Tábla 11 Anailís ar chionta indíotáilte a rabhtas in amhras orthu a thuiriscigh iniúchóirí

	2015	%	2014	%
Sárú iasachta stiúrthóirí	81	75	101	74
Mainneachtain leabhair chuí chuntas a choinneáil	25	23	24	18
Ráitis bhréigeach d'iniúchóirí	2	2	2	1
Easpa cáilíochta chun ceapacháin mar iniúchóir agus ag feidhmiú mar iniúchóir	0	0	3	2
Falsú doiciméad	0	0	1	1
Cionta eile ilgnéitheach	0	0	6	4
Iomlán	108	100	137	100

TARCHUIR

Faoi mar a luadh níos luaithe sa Chaibidil seo, tá an Oifig ina cuid de chreat reachtúil níos leithne lena gceadaítear malartú faisnéise rúnda idir comhlachtaí rialála, comhlachtaí forfheidhmiúcháin agus comhlachtaí ábhartha eile, faoi réir cosaintí agus teorainneacha cuí eile. Sa chomhthéacs sin, faigheann an Oifig seo atreuirthe ó chomhlachtaí reachtúla agus ó eintitis eile ó am go chéile. Le linn na bliana atá faoi athbhreithniú, fuair an Oifig 40 (2014: 43) tarchuir dá leithéid ó roinnt foinsí.

TUAIRISC FAOI CHIONTA INDÍOTÁILTE Ó COMHLACHTAÍ GAIMIÚLA

Comhlachtaí Cuntasáíochta Aitheanta ("CCAanna")³⁵

Sa chás go bhfuil forais réasúnta ag Coiste nó Binse Araíonachta CCA a chreidiúint go bhféadfadh sé go bhfuil cion indíotáilte faoin Acht déanta ag duine nuair a bhí an duine sin ina chomhalta de CCA, ceanglaítear ar CCA an cheist a thuirisciú don Oifig³⁶. Fuarthas ceithre thuarascáil den sórt sin le linn na bliana atá faoi athbhreithniú (2014: 2).

Comhlachtaí Forordaithe Gairmiúla ("CFG")

Mar an gcéanna, sa chás go bhfaigheann Coiste nó Binse Araíonachta CFG nár choinnigh comhalta a bhfuil leachtú³⁷, scrúdaitheoireacht³⁸ nó glacadóireacht³⁹ ar bun aige nó aici taifid chuí, nó má tá forais réasúnta acu a chreidiúint go bhfuil cion indíotáilte faoin Acht déanta ag an gcomhalta le inn leachtaithe, scrúdaitheoireachta nó glacadóireachta, ceanglaítear ar an CFG lena mbaineann an cheist a thuirisciú don Oifig.

35 Is éard is CCA ann comhlacht cuntasáíochta a bhfuil cead aige údarú a thabhairt dá chomhaltaí agus dá bhallghnólachtaí, ar an gcoinníoll gur shásaigh na comhaltaí sin critéir áirithe, chun gníomhú mar iniúchóirí reachtúla agus gnólachtaí iniúchóireachta faoi seach. Tá sé CCA ann, i.e., an:

Comhlachas na gCuntasóirí Deimhnithe Cairte (CCDC)

Institiúid na gCuntasóirí Deimhnithe Poiblí in Éirinn (ICDP)

Institiúid na gCuntasóirí Cairte i Sasana agus sa Bhreatain Bheag (ICAEW)

Institiúid na gCuntasóirí Cairte in Éirinn (ICCE)

Institiúid na gCuntasóirí Cairte in Albain (ICAS)

Institiúid na gCuntasóirí Corpraithe Poiblí (ICCP)

36 Alt 931(4) den Acht

37 Alt 688 den Acht

38 Alt 558 den Acht

39 Alt 448 den Acht

De bhun Rialacháin 2002 an Achta um Fhorfheidhmiú Dlí Cuideachtaí (Alt 58)⁴⁰, ainmníodh iad seo a leanas mar CFGanna (tá éifeacht le tabhairt fós d'ainmnithe coibhéiseacha faoi ailt 448, 558 agus 688 d'Acht na gCuideachtaí 2014):

- Comhlachas na gCuntasóirí Deimhnithe Cairte (CCDC);
- Institiúid Chairte na gCuntasóirí Bainistíochta (ICCB);
- Institiúid na gCuntasóirí Deimhnithe Poiblí in Éirinn (ICDPÉ);
- Institiúid na gCuntasóirí Cairte in Éirinn (ICCE);
- Institiúid na gCuntasóirí Corpraithe Poiblí (ICCP);
- Foras Cánachais na hÉireann; agus
- Dlí-Chumann na hÉireann.

Ní bhfuarthas tuarascálacha den chineál seo ó CFGanna le linn na bliana (2014: 0).

TUAIRISCÍ LEACHTAITHEOIRÍ MAIDIR LE COIRIÚLACHT FHÉIDEARTHA

Chomh maith lena n-oibleagáidí tuairiscithe faoi alt 682 mar atá sonraithe thuas, de réir alt 723(5) den Acht, ceanglaítear ar leachtaitheoirí, i gcúinsí ina ndealraítear go raibh iar-oifigeach nó oifigeach reatha ar bith de chuid na cuideachta lena mbaineann cionta as cion i dtaca leis an gcuideachta, tuarascáil a thabhairt do SIP agus an cheist a chur ar aghaidh chuig OSFC chomh maith. Baineann an oibleagáid tuairiscithe seo le gach leachtú, sócmhainneach agus dócmhainneach araon, (i.e. leachtú na gComhaltaí agus leachtú Deonach na gCreidiúnaithe agus leachtú Cúirte araon) mar an gcéanna. Le linn na bliana, fuair an Oifig dhá thuarascáil den sórt sin (2014: nialas).

IONCHUIR INMHEÁNACHA

INTREOIR

Cé go bhfuil méid na n-ionchur seachtrach a fhaightear a oiread sin, faoi mar a fheicfear ón gcuid thuas den Chaibidil seo, go ndéantar formhór na gcomhad cáis a osclaítear laistigh den Oifig a oscailt mar fhreagairt ar na n-ionchur seachtrach a fhaightear, gineann an Oifig ionchuir sheachtracha chomh maith trí chur chuige réamhghníomhach maidir le forfheidhmiú an Achta. Áirítear ar ionchuir maidir leis seo, mar shampla, tionscnaimh inmheánacha maidir le:

- cuideachtaí dócmhainneacha díscailte;
- maoirseacht ar leachtaitheoirí; agus
- imscrúduithe agus fiosrúcháin eile a tionscnaíodh ar a conclán féin.

CUIDEACHTAÍ DÓCMHAINNEACHA DÍSCAOILTE

Tugann an Oifig "cuideachtaí dócmhainneacha díscailte" ar na cuideachtaí seo a leanas:

- cuideachtaí a baineadh den Chlár toisc gur theip orthu a dtuairisceáin bhliantúla a chomhdú; agus
- a raibh dliteanais acu an dáta ar baineadh den chlár iad, cibé acu dliteanais iarbhir, theagmhasacha nó ionchasacha.

Is faoin Oifig atá sé iarratas a dhéanamh leis an Ard-Chúirt ar dhícháiliú stiúrthóirí cuideachta dá leithéid a baineadh den Chlár⁴¹. Mar sin féin, foráiltear sa dlí chomh maith⁴² nach féidir leis an gCúirt duine a dhícháiliú a léiriú don Chúirt nach raibh dliteanais ar bith ag an gcuideachta nuair a baineadh den Chlár í nó gur urscaoileadh na dliteanais sin sular tionscnaíodh an t-iarratas ar dhícháiliú. Agus an smachtbhanna atá le forchur á bhreithniú, féadfaidh an Chúirt ina áit sin srian a chur ar an stiúrthóir (na stiúrthóirí) sa chás go mbreithníonn sí nach bhfuil gá le dhícháiliú faoi na cúinsí faoi leith⁴³.

Sa chás go bhfuil fianaise ann go raibh cuideachta dócmhainneach ar an dáta ar baineadh den Chlár í, is é beartas an Oifig breathnú ar fhéachaint le stiúrthóirí na cuideachta a dhícháiliú. Is é an fáth leis sin, trí chhead a thabhairt chun an chuideachta a bhaint den Chlár, seachnaíonn na stiúrthóirí an chuideachta a thabhairt chun críche ar an dóigh cheart, i.e., trí leachtaitheoir a cheapadh. Mura gceaptar leachtaitheoir, seachnaíonn stiúrthóirí na cuideachta mionscrúdú ar a n-iompraíocht arna sholáthar le halt 682 den Acht.

Sa chás go measann an Oifig go bhfuil stiúrthóir faoi dhliteanas dhícháilithe sna cúinsí sin, féadfaidh sí deis a thairiscint don duine aonair lena mbaineann le Gealltanas um Dhícháiliú a chur isteach ar bhonn deonach.

40 IR 544 de 2002

41 Ailt 842(h) d'Acht na gCuideachtaí 2014

42 Ailt 843(3) d'Acht na gCuideachtaí 2014

43 Ailt 845(3) d'Acht na gCuideachtaí 2014

I gcomhthéacs an mhéid thuas, rud fiúntacha eile ná, sa chás go mbaintear cuideachta den Chlár, déantar na sócmhainní atá fágtha aici a dhílsiú san Aire Caiteachais Phoiblí agus Athchóirithe de réir fhorálacha an Achta Maoine Stáit 1954.

MAOIRSEACHT AR LEACHTAITHEOIRÍ

Ceann de príomhfheidhmeanna reachtúla an Stiúrthóra ná:

"...ról maoirseachta a fheidhmiú, a mhéid is a cheapann an Stiúrthóir é a bheith riachtanach nó iomchuí, maidir le gníomhaíocht leachtaitheoirí agus glacadóirí i gcomhlíonadh a bhfeidhmeanna faoin Acht seo"⁴⁴.

Cé go dtugtar modh don Oifig le próiseas alt 682, faoi mar a léiríodh níos luaithe sa Chaibidil seo, chun maoirseacht neamhdhíreach a dhéanamh ar ghnéithe áirithe d'obair na leachtaitheoirí, ó am go chéile breathnaíonn na Oifig go bhfuil sé cuí nó riachtanach a bheith páirteach i maoirseacht níos díri ar obair na leachtaitheoirí. Tugtar éifeacht don mhaoirseacht níos díri seo trí na cumhachtaí a thugtar le hAlt 653 den Acht⁴⁵ a fheidhmiú.

Déantar foráil in alt 653 den Acht gur féidir leis an Stiúrthóir an méid seo a leanas a dhéanamh:

- táirgeadh leabhair leachtaitheora a iarraidh, dá chonlán féin nó de bhun gearáin ó chomhalta, ranníocóir nó creidiúnaí cuideachta, chun iad a scrúdú - maidir le próiseas leachtaithe faoi leith, nó maidir le gach leachtú a rinne an leachtaitheoir; agus
- freagraí an leachtaitheora ar cheisteanna ar bith a bhaineann le hábhar leabhar dá leithéid a iarraidh, chomh maith leis a mhéid cuidithe is féidir leis an leachtaitheoir a thabhairt go réasúnta maidir leis an gceist.

Tá cosaintí agus teorainneacha áirithe ag gabháil leis na cumhachtaí a tugadh don Stiúrthóir le hAlt 653, i.e.:

- ní mór don Oifig an chúis (na cúiseanna) lena bhfuil an t-iaratas á dhéanamh a chur in iúl don leachtaitheoir freagróra; agus
- ní fhéadfar iaratas a dhéanamh i dtaca le leabhair a bhaineann le leachtú a tugadh chun críche níos mó ná sé bliana roimh an iaratas.

IMSCRÚDITHE A TOSAÍODH AR A TIONSCNAMH FÉIN

Faoi mar a léiríodh thuas, tionscnaíonn an Oifig fiosrúcháin agus imscrúduithe ar a conlán féin sa chás go meastar go bhfuil gá leis sin nó go bhfuil sé riachtanach ag féachaint do na fíricí agus na cúinsí bunaidh. D'fhéadfadh an méid seo a leanas, mar shampla, a bheith ina spreagthaigh do ghníomhaíochtaí dá leithéid:

- ceisteanna a aithnítear go himmheánach;
- ceisteanna a tarchurtar go himmheánach;
- ceisteanna a aithnítear de bhun athbhreithniú ar ábhar a comhdaíodh leis an OCC nó doiciméid ábhartha eile;
- ceisteanna a aithnítear trí mhonatóireacht ar dhlíthíocht;
- ceisteanna a aithnítear trí athbhreithniú ar thuiriscí na bpáipéar, an idirlíon, na meáin shóisialta etc.

Trí shampla léiritheach, tionscnaíodh fiosrúcháin le linn na bliana sa chás go raibh comharthaí ann ag tabhairt le fios:

- go bhféadfadh sé go raibh féimhigh neamh-urscaoilte ag gníomhú mar stiúrthóirí cuideachta; agus
- go bhféadfadh sé go raibh daoine ag gníomhú mar iniúcháirí agus gan údarú acu é sin a dhéanamh.

Ag brath ar chineál na gcúinsí bunaidh, d'fhéadfaí fiosrúcháin agus imscrúduithe na hOifige a chur ar aghaidh tuilleadh trí úsáid a bhaint as:

- cumhachtaí sibhialta an Stiúrthóra;
- cumhachtaí coiriúla an Stiúrthóra; agus/nó
- na cumhachtaí atá dílsithe sna Gardaí atá tugtha ar iasacht don Oifig trí bhua na n-oifigeach sin a bheith ina mbaill den Gharda Síochána.

LÍON NA N-IONCHUR INMHEÁNACH - 2015

Le linn 2015, gineadh 69⁴⁶ (2014: 48) ionchur inmheánach ar an iomlán.

⁴⁴ Ailt 949(1)(e) d Acht na gCuideachtaí 2014

⁴⁵ Áirítear ar alt 446 den Acht foráil chomhchosúil a bhaineann le glacadóirí

⁴⁶ Bainteach leis na catagóirí leathana um cheisteanna féimheachta, iniúcháireachta, calaoise, dícháiliúcháin agus comhdaithe

CUID B: TRÉCHUIR

Go ginearálta, osclaítear comhad cáis mar thoradh ar ionchuir, bídis ó fhoinsí inmheánacha nó seachtracha. I gcás tuairiscí alt 682 leachtaitheoirí, tagann cásanna ar chonclúid nádúrtha go ginearálta sa chás go ndearnadh cinneadh cibé acu faoiseamh a thabhairt don leachtaitheoir nó gan faoiseamh a thabhairt dó nó dí ón oibleagáid srianadh stiúrthóirí na cuideachta a fháil, agus sa chás go dtugtar faoiseamh, dúntar an comhad de ghnáth.

Sa chás nach dtugtar faoiseamh, nó nach dtugtar ach faoiseamh páirteach (i.e., go dtugtar é maidir le cuid de na stiúrthóirí, ach ní iad ar fad), tabharfaidh an Oifig cuireadh de ghnáth don stiúrthóir (na stiúrthóirí) ábhartha chun Gealltanais um Shrianadh (nó Dícháiliú, más infheidhme) a sholáthar. Mura ghlactar tairiscint um Ghealltanais (nó mura bhfuil tairiscint um Ghealltanais oiriúnach, i measúnú na hOifige), beidh ar an leachtaitheoir iarratas a dhéanamh leis an gCúirt. Déanann an Oifig monatóireacht ar an dul chun cinn trí na Cúirteanna ar na himeachtaí ábhartha um shrianadh nó um dhícháiliú agus déantar an toradh a thaifeadh a luaithe is a chinntear na himeachtaí. Déanann an Oifig athbhreithniú chomh maith, áfach, ó am go chéile nuair a thugann sí buarthaí faoi deara maidir le, mar shampla:

- moltaí inchreidte maidir le táillí iomarcacha leachtaitheoirí;
- mainneachtaí fhollasach maidir le sócmhainní a dháileadh ar bhonn tráthúil; agus
- mainneachtaí fhollasach maidir le leachtú a thabhairt chun críche laistigh de thréimhse ama réasúnta.

I gcás ionchur eile, amhail, mar shampla, tuairiscí iniúchóirí, gearáin, tarchuir etc., osclaítear comhad agus déantar mionscrúdú ar an ábhar lena chinneadh, ar an gcéad dul síos, an cheist í a thagann faoi shainchúram na hOifige nó nach ea. Ó sin amach, déantar dul chun cinn ar chásanna ar an mbonn a mheastar a bheith is oiriúnaí dá gcúinsí aonair, le modhanna dul chun cinn lena n-áirítear, mar shampla:

- buaileadh leis an ngearánaí, ag féachaint de ghnáth le tuiscint níos fearr a fháil ar na ceisteanna a bhfuil gearán á ndéanamh fúthu;
- buaileadh leis na stiúrthóirí (mar shampla, i gcás a bhaineann le hiasachtaí na stiúrthóirí);
- cumhachtaí sibhialta a fheidhmiú, amhail, mar shampla, éilimh a eisiúint chuig:
 - cuideachtaí le haghaidh leabhair agus thaifid na cuideachta a tháirgeadh;
 - leachtaitheoirí le haghaidh a leabhair agus a dtaifid um leachtú a tháirgeadh;
 - daoine a ghníomhaíonn, nó a airbheartaíonn go bhfuil siad ag gníomhú, mar iniúchóirí maidir le táirgeadh fianaise ar a gcáilíochtaí;
 - féimhigh, ag lorg ráiteas faoi mhionn maidir le stádas dócmhainneachta stiúrthóirí agus rúnaithe na gcuideachtaí, a bhí, ag an am, ina bhféimhigh neamh-urscaoilte;
 - leachtaitheoirí a gceanglaítear orthu go gcomhdaíonn siad tuarascálacha alt 682 amuigh;
- cumhachtaí coiriúla a fheidhmiú, amhail, mar shampla, barántais chuardaigh a dhéanamh, cumhachtaí gabhála agus coinneála a fheidhmiú etc.;
- idirchaidreamh a dhéanamh le húdaráis reachtúla eile a d'fhéadfadh a bheith ábalta cuidiú leis an Oifig ina gcuid fiosrúcháin, mar shampla trí fhaisnéis ábhartha a chomhroinnt.

Nuair a chríochnaítear fiosrúcháin na hOifige, déantar cinneadh maidir leis an ngníomhaíocht is fearr a dhéanfar.

D'fhéadfadh an méid seo a leanas, mar shampla, a bheith san áireamh leis sin:

- an cinneadh gan gníomhaíocht ar bith eile a dhéanamh (mar shampla, sa chás go dtugtar le fios trí fhiosrúcháin nár sáraíodh an dlí cuideachtaí nó sa chás nach bhfuil i gceist ach mionsárú agus go mbeadh gníomhaíocht forfheidhmiúcháin, dár réir sin, neamh-chomhréireach);
- cinneadh gan gníomhaíocht forfheidhmiúcháin a dhéanamh an t-am seo ach, seachas sin, rabhadh a eisiúint ina sonraítear má tharlaíonn sé arís go dtapófar gníomhaíocht forfheidhmiúcháin (mar shampla, sa chás gur ceartaíodh agus/nó gur feabhsaíodh an sárú chun sástacht OSFC);
- cúrsaí a bhaineann le sainchúraim faoi seach údaráis reachtúil nó comhlachtaí gairmiúla a atreorú chucu;
- tionscnamh imeachtaí sibhialta;
- tionscnamh imeachtaí coiriúla.

Tá sonraí leagtha amach sna Táblaí seo a leanas maidir le líonta na gcásanna a chuir an Oifig chun cinn le linn na bliana atá faoi athbhreithniú. Tá sonraí maidir leis an hionchuir a shreabhann ó phríoiseáil líonta na gcásanna éagsúla mionsonraithe sa chéad roinn eile den Chaibidil seo.

Tábla 12 Tréachur thuiriscí 682 na leachtaitheoirí - 2015

Tuiriscí alt 682 idir lámha ar 1 Eanáir, 2015		576
Tuiriscí nua a fuarthas i 2015	1,269	
Lúide: Tuiriscí ar a rinneadh cinntí i 2015	1,367	
Tuiriscí alt 682 idir lámha ar 31 Nollaig, 2015		478

Tá sonraí maidir le cinntí na hOifige um thuiriscí leachtaitheoirí curtha ar fáil níos faide thíos sa Chaibidil seo.

Tábla 13 Tréachur cásanna eile - 2015

Cásanna eile idir lámha ar 1 Eanáir, 2015		90
Cásanna nua a osclaíodh i 2015	506	
Lúide: Cásanna a críochnaíodh i 2015	526	
Cásanna eile idir lámha ar 31 Nollaig, 2015		70

CUID C: ASCHUIR

ASCHUIR Ó PHRÓISEAS ALT 682

Cinntí arna ndéanamh ar thuariscí leachtaitheoirí

Rinne an Oifig cinntí cinntitheacha (i.e. cinntí seachas 'Faioseamh ag an tráth seo' a thabhairt) maidir le 1,005 tuairiscí leachtaitheoirí le linn 2015 (2014: 1,174), agus rinneadh 362 cinneadh eile chun 'Faioseamh ag an tráth seo' a thabhairt (2014: 527).

As na cinntí cinntitheacha a rinneadh le linn 2015, rinneadh 784 díobh san iomlán maidir le tuairiscí tosaigh (2014: 805), agus rinneadh 221 ceann eile díobh maidir le tuairiscí ina dhiaidh sin (2014: 369).

Tá anailís déanta ar na cinntí a rinneadh maidir le tuairiscí tosaigh agus tuairiscí ina dhiaidh sin faoi seach sa dhá Thábla seo a leanas.

Tábla 14 Anailís ar chinntí a rinneadh i ndáil le tuairiscí tosaigh alt 682 na leachtaitheoirí

Cinéal cinnidh	2015	%	2014	%
Faioseamh iomlán ⁴⁷	744	79	753	68
Gan faioseamh a dhámhadh ⁴⁸	28	3	44	4
Faioseamh páirteach ⁴⁹	12	1	8	1
Faioseamh ag an am seo ⁵⁰	156	17	293	27
Iomlán	940	100	1,098	100

Tábla 15 Anailís ar chinntí a rinneadh i ndáil le tuairiscí ina dhiaidh sin alt 682 na leachtaitheoirí

Cinéal cinnidh	2015	%	2014	%
Faioseamh iomlán ⁴⁷	174	41	250	41
Gan faioseamh a dhámhadh ⁴⁸	33	8	90	15
Faioseamh páirteach ⁴⁹	14	3	29	5
Faioseamh ag an am seo ⁵⁰	206	48	234	39
Iomlán	427	100	603	100

Tá liosta iomlán de na stiúrthóirí, agus na cuideachtaí gaolmhara, ar tugadh faioseamh iomlán agus faioseamh ag an tráth seo dóibh faoi seach le linn 2015 ar fáil ar www.osfc.ie.

47 Dámhadh faioseamh iomlán i gcásanna ina ceapann an Oifig tuairim, bunaithe ar eolas le fáil (tuairisc(i) an leachtaitheoir san áireamh), go dealraíonn di gur ghníomhaigh gach stiúrthóir uile na cuideachta dócmhainní go macánta agus go freagrach agus cúrsaí na cuideachta á stiúradh acu.

48 Níor dámhadh faioseamh nuair ceapann an Oifig tuairim, bunaithe ar eolas a le fáil (tuairisc(i) an leachtaitheoir san áireamh), nach bhfuil go leor fianaise gur ghníomhaigh aon cheann de stiúrthóirí na cuideachta dócmhainní go macánta agus go freagrach agus cúrsaí na cuideachta á stiúradh acu.

49 Dámhadh faioseamh páirteach in imthosca ina ceapann an Oifig tuairim, bunaithe ar eolas le fáil (tuairisc(i) an leachtaitheoir san áireamh), go dealraíonn di gur ghníomhaigh roinnt stiúrthóirí na cuideachta dócmhainní ach nach leo ar fad go macánta agus go freagrach agus cúrsaí na cuideachta á stiúradh acu.

50 Dámhadh 'Faioseamh ag an am seo' i gcásanna ina raibh an Oifig sásta gur theastaigh tuilleadh ama ón leachtaitheoir chun a imscrúdú ar chúis le forléasadh na cuideachta a dul chun cinn / críochnú. Ar an dul céanna, ó am go ham, síleann an Oifig go bhfuil gá cinneadh cinntitheach a chur ar athlá mar gheall ar castacht cúrsaí cuideachtaí áirithe agus an riachtanas gaolmhar rannpháirtíocht forlontach leis an leachtaitheoir bainteach. Agus 'Faioseamh ag an am seo' dámhaithe, tá ceangal ar a leachtaiteoir tuairisc nua a thabhairt isteach.

Gealltanais maidir le Srianadh agus Dícháiliú

Faoi mar atá sonraithe níos luaithe sa Chaibidil seo, i ndiaidh thosach feidhme an Ahta seo an 1 Meitheamh, 2015, thug an Oifig nós imeachta úr isteach lenar féidir cuireadh a thabhairt do na stiúrthóirí sin, maidir lena bhfuil cinneadh déanta ina leith nár cheart faoiseamh a thabhairt don leachtaitheoir ón oibleagáid iarratas a dhéanamh leis an Ard-Chúirt dá Srianadh, chun Gealltanais um Shrianadh (nó Dícháiliú, más infheidhme) a chur isteach go deonach. Leagtar amach líon na dtairiscintí um Ghealltanais a eisíodh le linn na bliana atá faoi athbhreithniú sa Tábla thíos, mar aon le sonraí maidir le líon na dtairiscintí um Ghealltanais a glacadh agus a diúltaíodh.

Tábla 16 Tairiscintí gealltanais eisithe, ar glacadh leo agus diúltaithe

	Srian		Dícháiliú	
	Cásanna	Stiúrthóirí	Cásanna	Stiúrthóirí
Líon na gcásanna i dteideal tairiscintí Ghealltanais a eisíúint	26	49	0	0
Líon na gcásanna ina eisíodh go hiarbhír tairiscintí	22	39	0	0
Líon na gcásanna inar glacadh le tairiscintí, i.e., tugadh Gealltanais nó níos mó	13	22	n/a	n/a
Líon na gcásanna nár glacadh le tairiscintí	4	7	n/a	n/a
Líon na gcásanna ina raibh tairiscintí fós á mheas ag deireadh na bliana	5	10	n/a	n/a
Iomlán	22	39	0	0

Toradh iarratais na leachtaitheoirí leis an gCúirt

Faoi mar a léiríodh níos luaithe sa Chaibidil seo, sa chás nár thug an Oifig faoiseamh agus sa chás nár glacadh cuiridh chun Gealltanais a chur isteach, ceanglaítear ar leachtaitheoirí iarratas a dhéanamh ar an Ard-Chúirt chun an/na stiúrthóir(i) cuideachta ábhartha a shrianadh. I gcásanna áirithe, roghnóidh leachtaitheoirí, mar thoradh ar a n-imscrúduithe féin, féachaint le stiúrthóir a dhícháiliú seachas iad a shrianadh. Tá sonraí leagtha amach sa Tábla thíos ar thoradh iarratais na leachtaitheoirí leis an gCúirt arna seachadadh ag an Ard-Chúirt le linn na bliana.

Tábla 17 Torthaí iarratais na leachtaitheoirí chuig an gCúirt – 2015

	Cásanna	Stiúrthóirí
Dearbhaithe um shrianadh deonta	83	150
Orduithe dícháiliú deonta	10	14
Gan Orduithe nó Dearbhaithe deonta	14	34
Iomlán	107⁵¹	198

⁵¹ Ní comhionann uimhir iomlán le suim na lín thuas mar gheall ar an bhfíric go rinneadh srianadh agus dícháiliú araon ar 5 stiúrthóir.

De bhun Gealltanais nó Orduithe Cúirte, rinneadh 172 stiúirthóir san iomlán a shrianadh agus rinneadh 14 stiúirthóir a dhícháiliú. Tá tuilleadh anailíse ar na hOrduithe a rinne an Chúirt de bhun iarratais agus Ghealltanais na leachtaitheoirí curtha ar fáil in Aguisíní 3 go 5 den Tuarascáil seo.

Fírí agus cúinsí arna mbreithniú ag an Ard-Chúirt agus Orduithe um Dhícháiliú á ndéanamh

Tá samplaí leagtha amach thíos, chun críocha léiritheacha, de na cineálacha ceisteanna a bhreithnigh an Ard-Chúirt agus na hOrduithe um Dhícháiliú á ndéanamh aici in Aguisín 4 a ghabhann leis an Tuarascáil seo. Rinneadh na hOrduithe sin de bhun iarratas ar dhícháiliú arna ndéanamh ag na leachtaitheoirí ceaptha i ndiaidh a dtuarascálacha alt 682 faoi seach a chur isteach chuig OSFC:

- rinne stiúirthóirí cuideachta lastais a ndlíteanais chánach a fhodheimhniú ar feadh tréimhse cúig bliana, rud a raibh fiacha neamhíochta €341,000 leis na Coimisinéirí loncaim mar thoradh air. Bhí imní ar an leachtaitheoir maidir le taifid chuntasaíochta chuí a choinneáil, faisnéis mhíchearta a chur ar fáil d'iniúchóirí na cuideachta, mainneachtain Ráiteas cuí um Ghnóthaí a ullmhú, aistriú na sócmhainní agus fianaise ar ghníomhaíocht athchuideachta;
- bhí stiúirthóirí cuideachta infheistíochta ag oibriú scéim Ponzi tríd an gcuideachta, ar a bhfuil imscrúdú á dhéanamh ag BGIC, an Biúró um Shócmhainní Coiriúla ("BSC") agus Údarás Seirbhísí Airgeadais na Ríochta Aontaithe. Gearradh príosúnacht 18 mí ar dhuine de na stiúirthóirí i dTuisceart Éireann toisc gur theip air cloí le hOrduithe na Cúirte inar tugadh treoir dó sonraí sócmhainní na cuideachta a nochtadh ach a raibh an dlínse fágtha aige faoin am sin. Cuireadh iarmhéideanna suntasacha i gcuntais bhainc faoi cheannas an leachtaitheora ceaptha nó chalc na Cúirteanna iad ar iarratas ó BSC. Tá an leachtaitheoir ag leanúint lena imscrúduithe agus tá sé ag féachaint lena cinntiú go ndéanfar sócmhainní uile na cuideachta a aithint agus a shlánú;
- chuir na Coimisinéirí loncaim achainí faoi bhráid na hArd-Chúirte maidir le foirceannadh cuideachta a raibh líon hallaí aclaíochta á oibriú aici faoi cheadúnas. Bhí an achainí seo ina freagairt ar dhlíteanais chánach charntha mheasta sa bhreis ar €56,000. Ní raibh rannpháirtíocht nó comhoibriú ar bith ann ag an stiúirthóir ná an leachtaitheoir, nár cuireadh leabhair nó taifid na cuideachta ar fáil dóibh. Theip ar na stiúirthóirí chomh maith cloí le hOrduithe na hArd-Chúirte chun faisnéis airgeadais a chur ar fáil;
- chuir na Coimisinéirí loncaim achainí faoi bhráid na hArd-Chúirte maidir le foirceannadh cuideachta de bhun éileamh ar chánacha agus ús neamhíochta de thart ar €140,000. Bhí an chuideachta, ar theip uirthi cánacha ar bith a íoc ina dá bhliain dheireanacha trádála, ag trádáil i mótarfheithiclí ardluacha chomh maith le seirbhís páirceála agus sciomartha a oibriú. Theip ar an gcuideachta taifid chuntasaíochta chuí a choinneáil, bhí teist lag aige maidir le tuairisceáin a chomhdú leis an CRO, theip uirthi comhoibriú leis an leachtaitheoir agus theip uirthi cloí le hOrduithe na hArd-Chúirte chun faisnéis airgeadais a chur ar fáil. Níor lóisteáladh fáiltais shuntasacha cuideachta (thart ar €375,000) i gcuntas bainc na cuideachta i ndiaidh go ndearnadh Ordú Astathe ó na Coimisinéirí loncaim i gcoinne an chuntais ach, ina áit sin, rinneadh iad a atreorú chuig cuntais bhainc eile faoi rialú an stiúirthóra dícháilithe;
- bhí stiúirthóirí cuideachta a bhí bainteach in iompar lastais páirteach i bhfodheimhniú agus gann-íocaíocht chórasach agus d'aon turas CBL⁵² ar feadh tréimhse sé bliana ar a laghad, rud a raibh fiacha neamhdheimhnithe sa bhreis ar €277,000 leis na Coimisinéirí loncaim mar thoradh air. Lean na stiúirthóirí ag trádáil agus iad dócmhainneach le linn na sé bliana sin agus d'oibrigh siad ar feadh 12 mhí gan ceadúnas tarlú bóthair;
- bhí stiúirthóirí cuideachta a bhí bainteach i dteach tábhairne a oibriú páirteach i bhfodheimhniú agus gann-íocaíocht chórasach agus d'aon turas CBL ar feadh tréimhse cúig bliana ar a laghad, rud a raibh fiacha neamhdheimhnithe sa bhreis ar €248,000 leis na Coimisinéirí loncaim mar thoradh air. Lean na stiúirthóirí ag trádáil agus iad dócmhainneach le linn na gcúig bliana sin. Bhí buarthaí ag an leachtaitheoir faoi thaifid chuntasaíochta chuí a choinneáil agus faoi fhianaise ar ghníomhaíocht athchuideachta (trí thaifid fosaithe a aistriú go cuideachta úr);
- bhí cuideachta a bhí bainteach le spás fógraíochta a dhíol in irisleabhair scoile agus féilirí páirteach i bhfodheimhniú suntasach CBL. Cinneadh go raibh an fodheimhniú seo de luach thart ar €165,000 go €270,000, ag brath ar na figiúirí arna soláthar ag na stiúirthóirí agus ag sonraisc díolachán faoi seach. Ina theannta sin, níor ullmhaíodh ráitis airgeadais ar bith ó dháta an chorpraithe go dtí an dáta ar a ndeachaigh an chuideachta faoi leachtú;
- rinne Roinn Dlí SAM imscrúdú ar dhá chuideachta a bhí ina gcuid den struchtúr corparáideach ar láithreán cluichíochta ar líne maidir le cúisimh sciúradh airgid. Mar thoradh air sin shínigh stiúirthóir bunaithe i SAM (an POF chomh maith) comhaontú socraíochta ar dídhílsíodh na cuideachtaí lena mbaineann faoina théarmaí dá sócmhainní go léir - arbh ionann é sin agus sa bhreis ar €4 milliún. Fágadh creidiúnaithe tríú páirtithe na cuideachtaí, a raibh thart ar €2 mhilliún go €3 mhilliún le fáil acu gan dóigh ar bith leis na suimeanna airgid a bhí ag dul dóibh a fháil ar ais;
- theip ar chuideachta a bhí bainteach i bhfoilsíú nuachtán réigiúnach saor in aisce taifid chuntasaíochta chuí a choinneáil. Rinneadh aistarraingtí airgid thirim darbh luach thart ar €538,000 ó chuntas bainc na cuideachta thar thréimhse dhá bhliain go leath agus ní taifead ar bith ann inar míníodh cad é ar úsáideadh na haistarraingtí sin lena n-aghaidh. Lena chois sin, bhí fodheimhniú CBL thart ar €50,000 mar thoradh ar tuairisceáin mhíchearta CBL. An

tráth a ndeachaigh an chuideachta faoi leachtú, bhí €254,000 i CBL agus €32,000 eile i ÍMAT/ÁSPC ag dul do na Coimisinéirí Ioncaim. Bhí na stiúrthóirí bainteach roimhe sin i gcuideachta a bhí ag oibriú san earnáil chéanna agus ón seoladh céanna agus rinneadh aistriú thart ar €31,000 ó chuntas bainc na cuideachta chuig duine de na stiúrthóirí an trí mhí sula ndeachaigh sí faoi leachtú.

Aschuir shibhialta ó phróiseas alt 682

Ar chúiseanna éagsúla, lena n-áirítear neamhleorgacht saineolas cuntasaoíochta inti, níor fheidhmíodh cumhacht shibhialta na hOifige maidir le scrúdú a dhéanamh ar leabhair agus ar thaifid an leachtaitheora le linn na bliana atá faoi athbhreithniú.

Aschuir choiriúla ó phróiseas alt 682

Ó am go chéile sainaithear ceisteanna in athbhreithniú na hOifige ar thuairiscí alt 682 leachtaitheoirí a meastar gur gá gníomh a dhéanamh ina leith sa mhullach ar chinneadh a dhéanamh maidir le cibé ar cheart nó nár cheart faoiseamh a thabhairt. Áirítear ar na gníomhartha sin de ghnáth:

- tarchuir inmheánacha maidir le cúrsaí a meastar gur gá tuilleadh imscrúdaithe agus/nó gníomhaíocht forfheidhmiúcháin a dhéanamh ina leith; agus
- tarchuir a dhéanamh chuig comhlachtaí rialála eile.

Linn na bliana atá faoi athbhreithniú, lean an Oifig le dul i ngleic le mainneachtain, ar thaobh líon beag leachtaitheoirí, cloí lena n-oibleagáidí tuairiscithe ar bhonn tráthúil. Ag tús na bliana, bhí dhá ionchúiseamh ar bun maidir leis sin agus ba é an toradh orthu sin:

- cuireadh an Acht um Promhadh Ciontóirí 1907 i bhfeidhm ar chionta leachtaitheora amháin, ar phléadáil ciontachta, agus gearradh féineáil €1,000 air (mar gheall ar mhainneachtain trí thuairiscí alt 682 ar leith a sheachadadh in am). Tugadh ordú dó chomh maith costais an ionchúisimh a íoc, agus ba ionann suim na gcostas sin arna dtomhas ag an gCúirt agus €1,250;
- sa dara cás, ar phléadáil ciontachta, d'aontaigh leachtaitheoir go n-íocfadh sé suim €1,000, arna tomhas ag an gCúirt, le carthanas ainmnithe (mar gheall ar mhainneachtain an leachtaitheora dhá Thuairisc alt 682 ar leith a sheachadadh). Tugadh ordú don leachtaitheoir chomh maith costais an ionchúisimh a íoc, agus ba ionann suim na gcostas sin arna tomhas ag an gCúirt agus €1,250. Ar an sásamh gur urscaoileadh an dá shuim scriosadh na himeachtaí amach.

ASCHUIR NA HOIBRE FORFHEIDHMITHE

Tá roinnt cineálacha éagsúla d'obair forfheidhmithe na hOifige ann, lena n-áirítear;

- oibriú le stiúrthóirí cuideachta agus páirtithe leasmhara eile d'fhonn ceartú/feabhsú deonach a fháil déanta ar chásanna um neamhchomhlíonadh;
- cumhachtaí sibhialta an Stiúirthóra a fheidhmiú chun comhlíonadh a chinntiú;
- comharthaí maidir le sárúithe féideartha ar fhorálacha rialála seachas na cinn a bhaineann leis an dlí cuideachtaí a atreorú chuig rialtóirí ábhartha eile (agus tahchur cúrsaí ábhartha chuig comhlachtaí gairmiúla a chuimsiú chomh maith);
- feabhsúcháin shibhialta a lorg san Ard-Chúirt, amhail, mar shampla, iarratas a dhéanamh leis an Ard-Chúirt ar dhícháilíú stiúrthóirí cuideachta ar na cúiseanna a sonraítear;
- imeachtaí coiriúla achoimre a thabhairt os comhair na Cúirte Dúiche; agus
- sa chás, agus imscrúdú mionsonraithe a bheith déanta agus tugtha chun críche ar bhonn sin go léirítear leis na comharthaí coiriúlachta amhrasta go bhféadfadh gá a bheith le triail ar díotáil, ag tarchur comhad chuig SIP le breithniú a dhéanamh cibé an bhfuil gá le hionchúiseamh coiriúil os comhair na Cúirte Cuarda a chur i leith na gcúrsaí iontu nó nach bhfuil.

Tá sonraí tugtha maidir leis na príomhionchuir a bhaineann le gníomhaíochtaí forfheidhmithe na hOifige thíos.

RÉITEACH/LEASÚCHÁN DEONACH A BHAIN AMACH

I 89 cás (2014: 115) sa chás gur tuairiscíodh sárúithe amhrasta iasachtaí stiúrthóirí, nó gur tháinig siad chun feasa ar dhóigh ar bith eile, rinneadh ceartúcháin (lena n-áirítear aisfocaíocht/laghdú iasachtaí) darbh luach €21 (2014: €66) mar thoradh ar ghníomhaíochtaí na hOifige. Áirítear ar ghníomhaíochtaí a rinne an Oifig chun an cuspóir um cheartú a fháil ar bhonn deonach a bhaint amach cruinnithe a thionól le stiúrthóirí cuideachtaí as seacht (2014: 8) gcuideachta ar leith.

Ar an iomlán, eisíodh rabhaidh chuig 73 cuideachta san iomlán. Áirítear ar na rabhaidh a eisíodh na cinn chuig stiúrthóirí na 13 cuideachta maidir le cúrsaí a bhain le taifid chuntasaoíochta chuí a choinneáil.

COMHLÍONADH A BHAINT AMACH TRÍ CHUMHACHTAÍ SIBHIALTA AN STIÚRTHÓRA

Baineadh úsáid rathúil as roinnt forálacha reachtacha éagsúla le linn 2015 d'fhonn comhlíonadh an dlí cuideachtaí a bhaint amach. Áiríodh orthu sin:

- 18 n-éileamh a eisíodh faoi alt 133 den Acht inar éilíodh ráiteas faoi mhionn maidir le stádas dócmhainneachta stiúrthóir cuideachta nó rúnaí cuideachta sa chás go raibh fianaise ann inar tugadh le tuiscint go bhféadfadh sé go raibh an duine aonair ina fhéimheach neamh-urscaoilte;
- 2 ordú faoi alt 175(5) den Acht inar ceanglaíodh go dtionófaí Cruinnithe Ginearálta Bliantúla ("CGB") cuideachtaí (2014: 2). Eisíodh na horduithe sin i ndiaidh breathnú ar ghearáin a fuarthas ó bhaill na gcuideachtaí lenar bhain;
- 2 ordú (2014: 2) faoi alt 655(5) den Acht inar ceanglaíodh go dtáirgfí miontuairiscí CGBanna na gcuideachtaí chomh maith le cruinnithe na stiúrthóirí/Choistí na stiúrthóirí. Mar an gcéanna, eisíodh na horduithe sin i ndiaidh breathnú ar ghearáin a fuarthas;
- 128 ordú (2014: 277), de bhun alt 797(1) den Acht, inar ceanglaíodh ar leachtaitheoirí cloí lena n-oibleagáidí tuairiscithe faoi alt 682;
- 4 éileamh (2014: 4) faoi alt 778 den Acht, inar ceanglaíodh go gcuirfí doiciméid na gcuideachtaí ar fáil.

TARCHUIR A DHÉANAMH CHUIG COMHLACHTAÍ GAIRMIÚLA AGUS RIALÁLA EILE.

Cé go bhfuil oibleagáid ar an Oifig an fhaisnéis a fhaigheann sí a choinneáil faoi rún, tá foráil reachtúil⁵³ ann maidir le nochtadh faisnéise chuig tríú páirtithe áirithe (lena n-áirítear comhlachtaí rialála eile agus comhlachtaí gairmiúla eile) ar an gcoinníoll go gcomhlíonfar critéir fhorordaithe áirithe.

De bhun na forála thuas, rinneadh seacht tarchuir (2014: 7) chuig CCAanna le linn na bliana. Ag féachaint dá sainchúram reachtúil i leith na CCAanna, déantar na tarchuir sin a chóipeáil chuig an ÚMICÉ i gcónaí.

Áirítear ar na gnáthchineálacha ceisteanna a atreoraítear chuig CCAanna:

- cásanna amhrasta maidir le baill a airbheartaíonn go ndéanann siad iniúchtaí nach bhfuil údaraithe ag a gcomhlachtaí gairmiúla chun é sin a dhéanamh nó nuair atá cosc orthu ó sin a dhéanamh de bhua an dlí nó oibleagáidí gairmiúla;
- neamhthuirisciú, nó tuairisciú moillithe, maidir le cionta indíotáilte amhrasta;
- cúrsaí a bhaineann le cineál na dtuairimí iniúcháireachta a soláthraíodh maidir le cuideachtaí faoi theorainn ráthaíochta;
- mainneachtain freagairt a thabhairt ar fhiosruithe arna n-ardú ag an Oifig i ndiaidh di tuairiscí um chionta indíotáilte a fháil.

Le cois an mhéid thuas, déanann an Oifig tarchuir chuig comhlachtaí rialála eile de réir mar a mheastar riachtanach nó cuí é.

FORFHEIDHMIÚ SIBHIALTA

Cuideachtaí dócmhainneacha díscailte

Faoi mar a léiríodh sa Chaibidil seo, i gcás cuideachtaí a bhí dócmhainneach an tráth ar baineadh den Chlár iad, is é beartas na hOifige breathnú ar fhéachaint le stiúrthóirí cuideachtaí dá leithéid a dhícháiliú i gcásanna cuí.

Baintear cúpla míle cuideachta a den Chlár i mbliain ar leith ar bith. Ní bheadh ach cuid díobh dócmhainneach, áfach (i.e., gan a bheith ábalta a bhfiacha a íoc de réir mar atá siad dlite). Ní bheadh a lán eile díobh i mbun trádála nó d'íocfadh siad na dliteanais uile amuigh sula mbainfeadh den chlár iad. I gcoinne an chúlra seo, tá an Oifig ag féachaint le cuideachtaí a shainaitheint sa chás go bhfuil fianaise ann go raibh fiacha neamhíochta ábhartha ann ar an dáta ar baineadh den chlár iad.

Le linn 2014, dhiúltaigh an Chúirt Orduithe um Dhícháiliú a dhéanamh in dhá chás a thug an Oifig os a comhair. Bhí Breithiúnas na hArd-Chúirte sna cásanna thuasluaite ina ábhar imní don Oifig toisc gur imigh an Chúirt ón treo a bhí leagtha síos roimhe sin ag an Ard-Chúirt in "Re Clawhammer Ltd" [2005] 1 I.R.503 ("Breithiúnas Clawhammer") i dtaca leis na fachtóirí is ceart don Chúirt a chur san áireamh agus a rogha á feidhmiú cibé acu Ordú a dhéanamh nó gan Ordú a dhéanamh Agus é á dhiúltú aici na hOrduithe um Dhícháiliú a lorgaíodh sa dhá chás lena mbaineann a dhéanamh, chuir an Ard-Chúirt san áireamh fachtóirí amhail scála an fhiontair, cáilíochtaí na stiúrthóirí, an comhthéacs ina ndearnadh na cionta (lena n-áirítear an cor chun donais eacnamaíoch) agus iompraíocht na stiúrthóirí san am a chuaigh thart.

53 Alt 956 d Acht na gCuideachtaí 2014

I ndiaidh breathnú ar na Breithiúnais thuas, rinne an Oifig an cinneadh:

- cinntí na hArd-Chúirte a achomharc; agus
- déanamh iarratas ar bith leis na Ard-Chúirt a chur siar i bhformhór na gcásanna, ag feitheamh thorthaí na n-achomharc sin.

De bharr na gné is déanaí den straitéis thuasluaite tharla laghdú suntasach in iarratais dá leithéid le linn na bliana atá faoi athbhreithniú. Cé gur aistarraingíodh ceann de na hachomhairc thuasluaite, éisteadh an t-achomharc sa chás eile i nDeireadh Fómhair 2015. Sheachaid an Chúirt Achomhairc a Breithiúnas ina dhiaidh sin in Eanáir 2016 ("An Stiúrthóir um Fhorfheidhmiú Corparáideach V Walsh & Ors" [2016] IECA 2).

Ina Breithiúnas, chuir an Chúirt Achomhairc cinneadh na hArd-Chúirte ar ceal maidir le diúltú na hOrduithe um Dhícháiliú a dhéanamh i gcoinne na stiúrthóirí agus chuaigh sí ar aghaidh le Dearbhuithe um Shrianadh a dhéanamh ag cur san áireamh cúinsí faoi leith an cháis.

Anois agus na prionsabail a bhí leagtha síos roimhe seo i mBreithiúnas Clawhammer dearbhaithe ag an gCúirt Achomhairc, tá sé beartaithe ag an Oifig tosú arís ag féachaint le cásanna a shainaithe inar lig stiúrthóirí cuideachta do chuideachta a bheith bainte den Chlár agus dliteanais shuntasacha acu agus chun breathnú ar iarratais leis an gCúirt ar dhícháiliú na stiúrthóirí lena mbaineann (nó Gealltanais um Dhícháiliú a thairiscint, nuair is cuí). Ina theannta sin, is cosúil go bhfuil na prionsabail atá athdheimhnithe ag an gCúirt Achomhairc ina dtreoir thábhachtach maidir le breithniú amach anseo ar iarratais ar shrianadh agus, dá réir sin, cuirfidh an Breithiúnas seo bonn eolais faoi bhreithniú na hOifige um Thuairiscí alt 682 leachtaitheoirí.

Ag cur san áireamh an tábhacht a bhaineann le Breithiúnas na Cúirte Achomhairc d'obair OSFC, tá achoimre ar phríomhghnéithe an Bhreithiúnais sin leagtha amach thíos.

An Stiúrthóir um Fhorfheidhmiú Corparáideach V Walsh & Ors - achoimre ar phríomhghnéithe Bhreithiúnas na Cúirte Achomhairc

Is é Breithiúnas is tábhachtaí na hArd-Chúirte maidir le brí agus cur i bhfeidhm alt 160(2)(h) d'Acht na gCuideachtaí 1990⁵⁴ Breithiúnas Clawhammer, ar cloíonn leis i mórán cásanna agus rinneadh 114 Ordú um Dhícháiliú agus 9 nDearbhú um Shrianadh faoi seach mar thoradh air thar na blianta i gcoinne stiúrthóirí cuideachta mar gheall ar mhainneachtain Tuairisceáin Bhliantúla a chomhdú, rud a bhí ina chúis leis na cuideachtaí dócmhainneacha a bhaint den chlár.

Glacann i mBreithiúnas Clawhammer, *inter alia*, go:

[absent] "*any exculpatory evidence to the Court either as to [the directors'] involvement in the company, the circumstances leading up to the striking off of the company or the outstanding liabilities of the company, an order of disqualification is probably, in general, justified. In any application where the respondent directors appear and offer evidence to the Court it will be appropriate to take that evidence into account in determining whether or not to make a disqualification order or a declaration of restriction.*

Where the respondent directors adduce evidence of the likely quantum of the undischarged liabilities of the company or their role in relation to the company or other circumstances leading to the striking off of the company, it will be appropriate for the Court to take such facts into account in determining any period of disqualification. Similarly, it will be appropriate for the Court to take into account any impact on the respondent directors of the making of a disqualification order in the context of any evidence offered of future proposals to earn a livelihood."

Agus breithniú déanta aici ar na hargóintí a cuireadh ar aghaidh maidir leis an achomharc, dhiúltaigh an Chúirt Achomhairc an cur chuige a bhí glactha ag an Ard-Chúirt d'aon ghuth sa chás le déanaí agus d'athdhearbhaigh sí an cur chuige a glacadh i mBreithiúnas Clawhammer. Trí achomharc OSFC a cheadú agus Breithiúnas na hArd-Chúirte a chur ar ceal, sheas an Chúirt Achomhairc:

- nár athraigh "*maelstrom airgeadais*" cuspóir alt 160⁵⁵, arb é sin rialachas corparáideach cuí a chur chun cinn. Ná níor athraigh sé na hoibleagáidí ar stiúrthóirí i gcúinsí inar éirigh cuideachtaí faoina rialú dócmhainneach. I gcúinse mar sin, ba cheart dóibh na bearta is gá a dhéanamh d'fhoirceannadh na cuideachta. Ní féidir leo, mar mhalairt air sin, mainneachtain a dhéanamh a n-oibleagáidí a chomhlíonadh trí gan tuairisceáin bhliantúla a dhéanamh agus fanacht leis an gcuideachta a bheith bainte den Chlár. Ní sholáthraíonn dálaí deacra trádála nó brúnna airgeadais cineál maithiúnais ó na dualgais reachtúla a dhéanann daoine nuair a chinneann siad a bheith ina stiúrthóirí cuideachta;
- ní fachtóirí iad "scála an fhiontair agus cáilíocht na stiúrthóirí" agus an "comhthéacs inar tharla cion an stiúrthóra" a mbreithneofaí orthu mar a bheith ábhartha d'fheidhmiú rogha na Cúirte agus é á chinneadh aici cibé acu Ordú um Dhícháiliú a dhéanamh nó gan é a dhéanamh. Is é éirim na forála reachtúla a chinntiú go gclóíonn stiúrthóirí uile cuideachtaí lena n-oibleagáidí agus beag beann ar cibé stiúrthóirí cuideachtaí teaghlaigh nó stiúrthóirí cuideachtaí le luachan poiblí iad;
- ní dhéanann cáilíochtaí na stiúrthóirí nó na dúshláin eacnamaíocha a d'fhéadfadh a bheith le sárú ag na stiúrthóirí difear d'oibleagáidí na stiúrthóirí gníomhú go freagrach i dtaca le cuideachta dhócmhainneach;

54 Ar cuireadh Alt 842(h) d'Acht na gCuideachtaí 2014 ina ionad ina dhiaidh sin

55 Ar cuireadh Alt 842 d'Acht na gCuideachtaí 2104 ina ionad ina dhiaidh sin

- ní rud é go gcaithfear iompraíocht na stiúrthóirí san am a chuaigh thart a chur san áireamh in iarratais den sórt seo (agus í tagtha ar an tuairim seo, shonraigh an Chúirt gur cásanna iompair iad na héagóirí uile a sainaitníodh in alt 160⁵⁶ a dteastaíonn dícháiliú ina leith agus thug sí a barúil go bhfuil an baol ann go mbeifí mífhoighneach le rún an reachtóra dá gcuirfí oibleagáid ar OSFC fianaise a thabhairt os comhair na Cúirte ar iompraíocht na stiúrthóirí san am a chuaigh thart ar fad a chur ar fáil); agus
- bheadh sé i gcodarsnacht le nóisean iomlán rialacháin chorparáidigh chuí dá ndéanfaí stiúrthóirí éighníomhacha a chúiteamh ón dliteanas nó a fhaoiseamh ón dícháiliú nó ón srianadh ar bhonn chineál éighníomhach a róil, ag sonrú go raibh líon cásanna ann ina soiléiríodh é sin roimhe. Ceanglaítear ar gach stiúrthóir, stiúrthóirí éighníomhacha nó eile, na bearta réasúnta uile a dhéanamh chun Tuairisceáin Bhliantúla a chomhdú agus níl gá ar bith ann dícháiliú nó srianadh stiúrthóirí éighníomhacha a theorannú go dtí ceann ina bhfuil “fíor-mhilleán morálta” ar a dtaobhsan.

Imeachtaí forfheidhmiúcháin sibhialta eile

Banc Náisiúnta na hÉireann Teoranta (BNÉ)/Seirbhísí Airgeadais Bhanc Náisiúnta na hÉireann Teornata (SABNÉ)

Faoi mar a léiríodh i dTuarascálacha Bliantúla roimhe seo, bhí an Oifig páirteach i sraith cásanna sibhialta idirghaolmhara, ar tháinig siad ar fad ó Thuarascáil na gCigirí (ceaptha faoi, mar a bhí sé an t-am sin, alt 8 d'Acht na gCuideachtaí 1990) chun imscrúdú a dhéanamh ar ghnóthaí an BNÉ agus SABNÉ⁵⁷.

I mí Iúil 2005, thionscain an Oifig imeachtaí um Dhícháiliú i gcoinne 9 nduine a bhí ina stiúrthóirí agus/nó oifigh de chuid an BNÉ agus/nó an SABNÉ roimhe sin. Ag tús na bliana 2015 ba é an staid go raibh ocht gcinn de na cásanna tugtha chun críche go hiomlán agus bhíodas ag feitheamh ar dháta éisteachta na Cúirte Uachtaraí maidir le hachomharc⁵⁸ amháin ó chinneadh níos luaithe de chuid na hArd-Chúirte

Le Linn na bliana atá faoi athbhreithniú, tháinig an t-achomharc eile os comhair na Cúirte Uachtaraí. Trí thoiliú, rinne an Chúirt Uachtarach inar diúscaíodh Ordú ón Ard-Chúirt (lenar fhorchuireadh dícháiliú ar feadh tréimhse naoi mbliana) agus, in aonad é sin, rinne sí Ordú lenar dícháilíodh an Freagróir ar feadh tréimhse ceithre bliana go leith ag tosú an 7 Meitheamh, 2011, mar aon le hOrdú ina dtugadh ordú don Fhreagróir cion a fóc i leith chostais OSFC.

Iarratais ar fhaoiseamh faoi Alt 152 d'Acht na gCuideachtaí 1990

Rinneadh foráil in Alt 152 d'Acht na gCuideachtaí 1990⁵⁹, inter alia go:

- féadfaidh duine atá faoi réir Dearbhú um Shrianadh, laistigh de bhliain amháin den Dhearbhú á dhéanamh ag an gCúirt, iarratas a dhéanamh leis an gCúirt ar fhaoiseamh, go hiomlán nó i bpáirt, ón Srianadh agus féadfaidh an Chúirt, má cheapann sí cóir agus cothrom amhlaidh a dhéanamh, an faoiseamh sin a thabhairt ar cibé téarmaí agus coinníollacha is cuí léi; agus
- ar fhógra a fháil maidir leis an rún iarratas dá leithéid ar fhaoiseamh a dhéanamh, cuirfidh an leachtaitheoir in iúl láithreach do chreidiúnaithe agus ranníocóirí sin na cuideachta gur cuireadh in iúl dó/di nó gur tháinig sé chun a fheasa/a feasa go bhfuair sé/sí fógra dá leithéid.

I ndeireadh 2014, tháinig sé chun feasa na hOifige go raibh sé beartaithe iarratas ar fhaoiseamh a dhéanamh faoi alt 152. Bhí an Oifig i gcomhairle le haturnaetha na nIarratasóirí agus thug sí comhairle dóibh maidir leis an bhfaisnéis is ceart, dar leis an Oifig, a thabhairt ar aird na Cúirte. I mí na Bealtaine 2015, aistarraingíodh an t-iarratas.

FORFHEIDHMIÚ COIRIÚIL

Forbhreathnú

Le linn na bliana atá faoi athbhreithniú lean an Oifig lena cinneadh straitéiseach a chur chun feidhme (faoi mar atá mionsonraithe i dTuarascálacha roimhe seo) cion níos mó dá hacmhainní imscrúdaitheacha foriomlána a leithdháileadh i dtreo cásanna ina léirítear comharthaí níos tromchúisí d'éagóir.

Tá dhá iarmhairt ag baint leis an aistriú straitéiseach seo, viz:

56 Ar cuireadh Alt 842 d'Acht na gCuideachtaí 2014 ina ionad ina dhiaidh sin

57 Cheap an Ard-Chúirt na Cigirí i mí an Mhárta 1998 agus rinne siad a n-imscrúduithe thar thréimhse beagáinín níos faide ná 6 bliana. Foilsíodh a dTuarascáil le hOrdú ón Ard-Chúirt a rinneadh i mí Iúil 2004.

58 Bhain ceann de na hachomhairc le ceann a rinne an Oifig i gcoinne chinneadh na hArd-Chúirte ag diúltú achran na hOifige gur cheart na freagróirí ábhartha a dhícháiliú. Rinne freagróirí trí cinn de na hachomhairc sin i gcoinne chinntí na hArd-Chúirte ag athdhearbhú achran na hOifige gur cheart na freagróirí a dhícháiliú.

59 Ar cuireadh Alt 852 d'Acht na gCuideachtaí 2014, ina ionad ina dhiaidh sin, le héifeacht ón 1 Meitheamh, 2015

- laghdú ar líon na gcásanna a tugadh os comhair na Cúirte Dúiche, i.e., imeachtaí achoimre. In 2015 ba ionann líon iomlán na gcásanna agus trí (2014: 10); agus
- méadú suntasach i líon na gcásanna atá á n-imscrúdú chun iad sin a atreorú chuig SIP le breithniú cibé ar cheart cúisimh a ordú ar díotáil nó nár cheart. Bhunaigh an Oifig córais faisnéise bainistíochta ina ndéantar gcásanna dá leithéid a ghabháil agus a mhaoirsiú astu féin agus, ag deireadh na bliana, bhí 18 nduine aonair agus gcuideachta faoi imscrúdú ag féachaint d'ionchúiseamh féideartha ar díotáil.

Cásanna a tarchuireadh chuig SIP le breithniú cibé ar cheart cúiseamh ar díotáil a dhéanamh nó nár cheart

Cé gur féidir leis an Stiúrthóir ionchúisimh achoimre a thionscnamh os comhair na Cúirte Dúiche, is faoin SIP amháin atá sé ionchúiseamh ar díotáil (i.e. os comhair giúiré sa Chúirt Chuarda) a thionscnamh.

Le linn 2015, cuireadh comhad amháin faoi bhráid SIP. I ndiaidh breithniú ar an gcomhad sin, thug SIP le fios gur cheart, i bprionsabal, ionchúisimh a ordú i gcoinne an duine aonair lenar bhain. Bunaithe ar an gcinneadh sin, bhí an Oifig, ag deireadh na bliana, i mbun ionchúisimh chóiriúla a dhréachtú lena mbreithniú ag SIP.

Imscrúduithe coiriúla eile

Faoi mar a luadh thuas, bhí an Oifig bainteach le líon eile imscrúduithe coiriúla le linn 2015 ag féachaint le comhaid a chur ar aghaidh chuig SIP. Ag deireadh na bliana, bhí líon de na cásanna sin beagnach réidh lena gcur faoi bhráid SIP lena mbreithniú.

An Iar-Banc-Chorparáid Angla-Éireannach ("Anglo")

Tugadh sonraí i dTuarascálacha Bliantúla roimhe seo ar chineál ginearálta na gceisteanna a ndearna an Oifig imscrúdú orthu thar roinnt blianta agus an méid ar cuireadh na comhaid a bhí mar thoradh orthu sin faoi bhráid SIP.

Ag tús na bliana 2015 ba é an staid gur ordaigh an SIP:

- Gur cheart an tUasal Sean FitzPatrick, a thriail ar díotáil i dtaca le sárúithe líomhnaithe ar fhorálacha alt 197 d'Acht na gCuideachtaí 1990 ("Acht 1990"); agus
- Gur cheart an tUasal William McAteer agus an tUasal Patrick Whelan, a thriail ar díotáil i dtaca le sárúithe líomhnaithe ar alt 297 d'Acht na gCuideachtaí 1963.

Maidir leis an gcéad ceann de na ceisteanna sin, cuireadh tús le triail an Uasail Fitzpatrick an 14 Aibreán, 2015. Tugadh giúiré isteach faoi mhionn, ar tugadh an tUasal Fitzpatrick os a chomhair os comhair na Cúirte maidir le 21 sárú líomhnaithe ar alt 197 agus 6 shárú líomhnaithe ar alt 242 agus 1990 den Acht. I ndiaidh argóint shuntasach dlí, in easnamh an ghiúiré, sheachaid Breitheamh na trialach rialú ar raon ceisteanna an 2 Meitheamh, 2015, d'fhuascail sé an giúiré agus shocraigh sé dáta do thriail úr i nDeireadh Fómhair, 2015. Ina dhiaidh sin, i mí Lúnasa, 2015, d'ordaigh an Ard-Chúirt (in imeachtaí Athbhreithnithe Bhreithiúnaigh arna dtabhairt ag an Uasal Fitzpatrick) gur cheart dáta na trialach a chur siar go dtí an 25 Bealtaine, 2016.

Maidir leis an dara ceann de na ceisteanna sin, tá triail an Uasail Patrick Whelan agus an Uasail William McAteer beartaithe le tosú i gCúirt Chuarda Choiriúil Bhaile Átha Cliath an 16 Eanáir, 2017.

Le linn 2015, d'oibrigh oifigigh OSFC go dlúth le hOifig SIP i dtaca le hionchúisimh ar eiseachadhadh an tUasail David Drumm ina dhiaidh sin dá mbarr ó Stáit Aontaithe Mheiriceá go hÉireann an 13 Márta, 2016. As na 33 ionchúiseamh a ordaíodh, tá 31 ceann díobh bunaithe ar chúrsaí ar ábhar imscrúduithe iad a rinne OSFC. Is féidir na 31 ionchúiseamh thuasluaite lena mbaineann a acoimriú mar a leanas:

- 1 shárú líomhnaithe ar Rialachán 76(2) & (4) de na Rialacháin Trédhearcachta (Treoir 2004/109/CE) 2007, arna gcur i bhfeidhm le halt 21 den Acht um Chistí Infheistíochta, Cuideachtaí agus Forálacha Ilghnéitheacha 2006;
- 7 sárú líomhnaithe ar alt 25 den Acht um Cheartas Coiriúil (Cionta Gadaíochta agus Calaoise) 2001;
- 7 sárú líomhnaithe ar alt 243(1) d'Acht na gCuideachtaí 1990 agus alt 240(1)(b) d'Acht na gCuideachtaí 1990, arna chur isteach le halt 104 den Acht um Fhorfheidhmiú Dlí Cuideachtaí 2001;
- 16 shárú líomhnaithe ar alt 60(1) agus (15) d'Acht na gCuideachtaí 1963, arna leasú le halt 15 d'Acht na gCuideachtaí (Leasú) 1982 agus alt 240(8) d'Acht na gCuideachtaí 1990, arna chur isteach le halt 104 den Acht um Fhorfheidhmiú Dlí Cuideachtaí 2001.

Níor socraíodh dáta ar bith fós d'éisteacht thriail an Uasail Drumm maidir leis na hionchúisimh sin.

Ionchúisimh achoimre

De réir fhorálacha an Achta, is féidir leis an Stiúrthóir ionchúisimh achoimre a thionscnamh os comhair na Cúirte Dúiche. Le linn na bliana atá faoi athbhreithniú thug agus chúisigh an Oifig imeachtaí achoimre trí huaire (2014: 10), a raibh mar thoradh orthu:

- 7 gciontú (2014: 19), lenar cuireadh i bhfeidhm Probation of Offenders Act 1907 maidir le trí ionchúiseamh eile i gcás breise;
- fineálacha comhiomlána darbh luach €8,500 (2014: €27,500) á ngearradh; agus
- costais á gcúiteamh leis an Oifig darbh luach €2,500 (2014: €4,750).

Tá sonraí tugtha maidir leis na hionchúisimh sin sa Tábla thíos.

Tábla 18 Ionchúisimh achoimre a cinneadh - 2015

Cás	An Chúirt Dúiche éisteacht, dáta & ionad	Ionchúisimh	An Chúirt Dúiche Toradh
ODCE v John O'Connell	23 Feabhra 2015 Cúirt Dúiche Chathrach Bhaile Átha Cliath	3 chion contrártha d'Alt 56(1) agus (3) den Acht um Fhorfheidhmiú Dlí Cuideachtaí Acht 2001	Ar phléadáil ciontacha forchuireadh Alt 1(1) den Acht um Promhadh Ciontóirí 1907 ar an gCosantóir i ndáil le gach ceann de na trí ionchúiseamh agus ordaíodh don chosantóir suim de €1,000 a íoc le Clann Shíomóin agus a aontú costais ionchúisimh €1,250 a íoc
ODCE v Thomas Colton	22 Aibreán 2015 Cúirt Dúiche Chathrach Bhaile Átha Cliath	2 chion contrártha d'Alt 187(6) agus (9) d'Acht na gCuideachtaí 1990 3 chion contrártha d'Alt 242(1) d'Acht na gCuideachtaí 1990 3 chion contrártha do Rialachán 21 agus 23 de Rialachán na gComhphobal Eorpach (Iniúchtaí Reachtúla) (Treoir 2006/43/CE) 2010 lonstraim Reachtúil Uimh. 220 de 2010	Ar phléadáil ciontacha maidir le trí ionchúiseamh chiontaigh an Chúirt an cosantóir as dhá ionchúiseamh de bhun Alt 242(1) d'Acht na gCuideachtaí 1990 agus d'fhorchuir sí príosúnacht sé mhí ar gach ceann agus cuireadh ar fionraí dhá mhí dhéag iad. Cuireadh an t-ionchúiseamh as gníomhú mar iniúchóir reachtúil san áireamh.
ODCE v Brian Scannell of Brian Scannell & Co	20 Bealtaine 2015 Cúirt Dúiche Chorcaí	4 chion contrártha d'Alt 242(1) d'Acht na gCuideachtaí 1990 1 chion contrártha do Rialachán 21 agus 23 de Rialachán na gComhphobal Eorpach (Iniúchtaí Reachtúla) (Treoir 2006/43/CE) 2010 lonstraim Reachtúil Uimh. 220 de 2010	Ar phléadáil ciontacha maidir le cúig ionchúiseamh chiontaigh an chúirt na daoine ciontacha as na 5 ionchúiseamh agus ghearr sí fineálacha €8,500 ar an iomlán. Costais ionchúisimh €1,250 le híoc ag an gcosantóir.
ODCE v Jerry Beades	8 Deireadh Fómhair 2015 Cúirt Chuarda Bhaile Átha Cliath	Achomharc chun na Cúirte Cuarda	Seasamh leis na ciontuíthe a forchuireadh sa Chúirt Dúiche an 10 Samhain 2014 agus laghdaíodh na fineálacha lenar bhain ó €10,500 go €3,750 ar achomharc.